

滄州明詩鈔 一卷



滄

詩

州

鈔

四



有明三百年李何之後繼之以濟南太倉海內效之者  
多蒙刻鵠之厭吾滄僻處海濱王武子所謂其地坦以  
平其水澹以清其人廉且貞者也前輩如馬公昂戴公  
才皆能根柢風騷牢籠萬有不苟從人步趨者惜乎兵  
燹以來詩文散佚均二十年中極力搜求了無所獲僅  
得張司農劉少保以下若而人詩若干首夫君子立身  
行己以德行為根本才藝爲枝葉如司農之經濟少保  
之大節暨王侍御之好學孫推官之恬退皆後世之典  
型吾州之山斗也雖殘編斷簡無異拱璧兼金又烏用  
求多爲哉均旣卒業並綴詹言爲緣起俾後之君子有  
考焉道光丙午夏六月滄州後學王國均侶樵甫識於

濟南客次

滄州明詩鈔

序

一

滄州明詩鈔

目錄

張縉

王國寶

劉燾

王緒

劉子延

王國祚

王顯仁

孫日選

趙光宇

王家璋

孫國重

呂詠

朱用錦

劉生向

王端履

滄州明詩鈔

目錄



滄州明詩鈔

王國均侶樵纂輯

同里

葉圭書芸士編次

張縉

縉字朝用號玉雪原籍山西陽曲縣後入滄籍  
成化己丑進士歷官南京戶部尚書有玉雪遺

稿

分省人物考縉字朝用家陽曲成化己丑甲科  
知滄州滄居南北之衝且頻病雨潦多方賑救  
民賴以安權貴欲請境內地為莊田縉不可其  
事乃寢後以戶部尚書致仕過滄滄人留止之  
遂家於滄辛未賊掠畿甸滄被圍七日城中士  
民欲許賊和以緩禍乃謀於縉縉曰許和是降

滄州明詩鈔

一

賊矣吾家五十口誓不能降賊以生衆義之  
相與嬰城固守勇百倍於初賊勢挫遂解  
州志縉器宇魁岸風神秀朗持已蒞下嚴重有  
威理勢治劇紳有餘裕故起州郡歷方岳陟臺  
省所至輒著能聲樹成績居家孝友交接以誠  
好賢喜施多所崇獎生平嗜學手不釋卷星厯  
醫卜皆臻其妙雅好吟詠有  
玉雪遺稿若干卷藏於家

黃河古詩四首 并序

此詩為河南叅伯張公專使河防而作也夫河  
之為患由來久矣不治則民為魚鼈治之則勞  
費不貲卒難成功去年秋冬間河流暴溢瀕河  
郡邑皆罹水患厥勢東上將病民生妨國計省  
臣以聞朝廷患之連議會詢可以治水者僉以

公才力振拔曩守留都時又備嘗其患且習知  
水事之所利乃力薦之上不惜官爵遂秩公爲  
河南叅伯俾往治之今茲啟行不啻駕輕車而  
就熟路吾知公必能展素蘊而循舊服躬率先  
而樹不朽之業上以摠君相難挽之憂下以拯  
生靈昏墊之厄庶幾一勞而久逸暫費而永寧  
者也其視用小智以邀近利觀目前而不顧他  
虞者不可同年而語故述此用期成功於將來  
垂令聞以示無窮云爾

黃河之水九折東其源上與銀漢通滔滔汨汨不復返  
滄州明詩鈔

二

並海吞吐無終窮黃河之流細如帶忽若漫天大無外  
昔時堯有九年水匪禹奏功孰與賴黃河之患無代無  
漫施築塞非良圖崩騰蕩瀆捲地吼民罹昏墊歲云徂  
禦災捍患通水轉賈讓三策非膚淺憑君莫與水相爭  
留取終譽永游衍黃河之勢殺以平河伯效職息雷轟  
四野桑麻紛蔚鬱東吳秔稻來鎬京坐見利典害且止  
廟堂熙熙黎庶喜萬國仰看今聖明還觀河流清徹底  
黃河之水日注東羣山上與羣流通往者過兮來者續  
晝夜如斯誰能窮黃河之流引如帶導自積石略荒外  
但見九有莫厥居不識不知伊孰賴黃河之患可幸無



浮槎飄飄如畫圖忽經天漢蓬織女周游蕩蕩匪遏徂  
百曲千折凡九轉析木渠搜尚清淺中州東來土性惡  
一失隄防卽流行黃河之勢遠邇平安流不聞聲喧轟  
艫舳相銜千里餉儲峙如砥還如京兗豫之間工役止  
河復故道人人喜自昔水由地中行誰謂黃河深無底  
黃河之水瀛海東分作九派復併通右轉碣石趨入海  
萬古禹跡垂無窮黃河之流緩如帶聲教訖於四海外  
告厥成功錫元圭蒸民乃粒世允賴黃河之患難保無  
始之且莫與民圖旦夕樂成可與衆出作入息乃有徂  
易危爲安在一轉亶極心思良不淺兩涯蜿蜒護隄成

滄州明詩鈔

三

叢叢草木日蕃衍黃河之勢今始平中流簫鼓沸聲轟  
太平有象無遐邇四夷貢賦來鑄京爰居爰處民寧止  
勞之徠之又復喜明朝走馬挽不回滿耳頌聲甘棠底  
黃河之水跨西東下吞淮泗與海道瞬息之間走千里  
沂流跬步人力窮黃河之流曲如帶發源來自崑崙外  
風伯雨師下約束苟非天意吾誰賴黃河之患盤古無  
伏羲御世河出圖元冥不驕地道順百川滾滾同攸徂  
逮漢元封氣運轉河決瓠子害非淺不惜白馬雙壁沉  
長隄如阜何曼衍黃河之勢眼底平坐見巨浪收砮轟  
偉績馳獻明光殿璽書遙下策還京玉佩鏗鏘肅容止



蹴踏上動龍顏喜丹墀俯伏拜寵嘉高名仍覆金甌底  
西灤

水國禾生秋水餘家家生計任樵漁短鎌刈得乾蘆菰  
乞水船頭煮白魚

花橋渡

雨歇飛虹影半存微茫烟樹接西村孤舟向晚人爭渡  
立近沙頭語正喧

乾寧驛亭甘井

誰開古井驛亭中百尺曾聞海眼通六月行人汗如雨  
輓轆清響下梧桐

滄州明詩鈔

四

王國寶

國寶字尚仁號雪海嘉靖壬午舉人歷官江蘇

松江府通判

長蘆南樓城

誰營樓閣繼當年面水金城勢屹然數與時羸宜復古  
地因人盛迥非前聲來咫尺千舟艣影入微茫萬竈烟  
薄宦他時經梓里定教駐馬幾揮鞭

劉燾

燾字仁甫號帶川原籍天津衛後入滄籍嘉靖  
戊戌進士歷官都察院左都御史兼兵部左侍



郎贈太子少保有晴川餘稿

畿輔通志 肅嘉靖進士 歷任右副都御史 巡撫延綏 蒞政明敏 邊民輯服

衛志 肅由進士 歷陞兵部侍郎 修河防 立義塚 所至皆有惠聲 屢疏求退 家居 惟以耕讀課子弟 生平撰述 極多 所著

有奏議等若干卷 行世

州志 肅原籍天津 由進士 歷官總督 初爲兩廣繼爲遼東 負經世之略 所至必建殊勲 世廟末

年 平海寇 有功 應封侯 爵時分宜柄政 肅不先爲之地 因阻其封 世高其介節

按公多謀善騎射 嘗巡視九邊 經略通灣 所歷名山勝蹟 或禦大敵 往往以詩紀之 年近六旬

卽具疏告歸 日事著作 又二十八年終 賜祭葬

陌上行

適南適北苦局促 纔度深山又窮谷 西風一起烟水寒

滄州明詩鈔

五

何事苦隨馬蹄逐 紅塵如雪吹征裳 芳草斜陽途路長  
豔冶芙蓉相掩映 翩翩鴻雁共周行 蹉跎跋涉行入早  
馬箭弓車射秋草 問爾匆匆鬢上霜 如何多日還慵掃  
有花須插滿頭回 有酒休辭斗大杯 任他烏兔相輪轉  
信我乾坤獨往來

旋里後言懷示諸子

除却東郊課子耕 歸來無事可關情 桃花芳草春三月  
細雨斜風夢五更好 景眼前皆自得 遠謀身後笑徒營  
鄰翁昨日來相約 白石橋頭聽水聲

碌碌風塵悵所之 人生投老是閒時 看來場圃衰無用



說到功名淡可知一杖挑花何處醉牛肩荷月偶成詩  
潞河且喜無多步閒學兒童理釣絲

碑磯祠

碑磯祠碑曰只識酒風心景

一江滾滾恨難平義斷貔貅亭百萬兵豈料弟兄藏怨毒  
休言女子欠聰明杜鵑血盡黃陵廟蝴蝶魂飛白帝城  
西望惠陵天萬里年年青草傍祠生

過武夷山作

武夷山中遊歷記

武夷山下野溪頭笑解征鞍儘日遊六六山峰分兩岸  
三三溪水向中流虹橋不見金爐冷蟬蛻空傳玉骨留  
回首茫茫天地闊教人何處覓丹邱

滄州明詩鈔

六

巡邊過清澗縣道中

路入蒼延五月分悠悠征旆送南薰千尋陡澗響流水  
萬里祥光浮火雲古道未平留漢壘殘碑半落見秦文  
長途自誦北山賦未轉扒山日又曛

宿望海市

明月浮滄海松陰上短牆啼猿哀夜永旅雁恨更長理  
向禪關悟詩乘酒興狂秋雲開玉宇萬里共風光

次魚河

魚河文莊廟

黃沙迷漢驛落日壓城樓目斷天邊雁心驚塞上秋孤  
燈憐自照客枕暗生愁今夜人千里相看月一鉤



王緒

緒字子業號月川國寶從姪官縣丞

劉燾滄州志序余與月川子論及州志月川曰吾先叔鄉進士雪海公草創未成而棄世先兄都憲對川公欲修飾之奔馳宦海而未遑予欲潤色成卷以緒前人之業世方貴耳賤曰恐言爲人輕是以逡巡未果余曰不然也公自幼與余同筆硯肆力文章以期大用奈何與時違三試棘闈而不售後以例授縣佐又挂冠長往今雖結盟泉石舛情詩賦何益於世哉孰若纂修前書雖非掩金紵紫之榮亦人生不朽之業也大丈夫當自立一家自有慧目者坐照焉疇可以塵世之鳴噪者爲進退哉公不以余言爲妄遂謝客鄉墅逾歲稿成

新麥將熟因成長短句

麥穗長雉子肥雄啄雌依依迎風鼓雙翼吐綬亂錦

滄州明詩鈔

七

羣鴛鴦以爲儔鸞鷁不與飛願引爾雛願戢爾衣不近鷺鳥終無禍機

同朱瑜田遊眞武廟作

草堂聯翠微曲水繞簷犀竹裏幽人樂雨中春樹稀蜂房爭白課花片覺全非正愛蒲團好焚香了化機

劉子延

子延字無考嘉靖丙辰進士官工部主事

滄州送李北海入都

獨駕風塵遠翩翩訪舊過孤琴攜樽李長劍撫行窩磊落文園草清新郢里歌鳳城春有待君去任懸河



王國祚

國祚字世長號培山萬厯甲戌進士歷官廣東道監察御史陝西山西河南巡按

王顯仁培山王公八表序先生家食時潛心大業設絳帳以育後學執經問難者數百人日爲之誘掖啟迪嚴寒酷暑周輟以故掇甲第者起科名拔里選者由膠序而試高等者蓋濟濟焉先生之德及多士矣而已提衡之城狐不敢倖進惕威不撓富乘三尺而提衡之德及兆庶矣社鼠盡與革除鞠審善得隱情則民無冤獄漕艘密訪疾苦則軍皆恬懷先生之德及兆庶矣按先生平生所著有理淮錄按離錄居滄錄三種合而刻之曰三錄彙編并一時諸名士贈答之什各附其後今王氏子孫僅守殘板數頁彙爲一卷顏曰居滄殘板錄其全集蓋未之見也

甲寅夏七日福藩舟過滄滄霖雨大沛喜賦

滄州明詩鈔

八

桐葉遙分出禁中甘霖隨駕沛瀛東  
迪知鳳翥風爲御  
應信龍行雨卽通玉節璘珣瑩衛水  
彤雲縹緲映瀛宮  
山河大地歌良翰  
潤及三農慶有豐

送方精菴還閩

雄飛久已擅才名  
所至公卿倒屣迎  
俠骨時逢雙劍合  
征颿欲傍九霄行  
江湖已倦思迴棹  
松菊猶存學抱甕  
此去奚囊肩不盡  
尚留風月滿滄瀛

夏日邀林下諸君子飲憇卽席口占次韻

雨過南窗氣欲涼  
覓來佳句付奚囊  
杯中酒動騷人興  
池內蓮開君子香  
舉扇揮塵輕庾亮  
垂簾遠地邁羲皇



相逢盡道園林好漫把園林作戲場  
贈判運朱瑞峯之桂陽雜歌十韻

七月之交雨初歇金風浙瀝征旂曳白駒無計下繫維  
片心轉向孤帆切載得北海酒一樽攜我同袍車馬紛  
勞勞亭上歌驪曲孫楚樓南一送君送君欲別君別離  
何足嘆赤子靡瞻依楊柳如絲亂君不見康樂行役將  
東還簪纓相送來方山又不見寇恂遷官河內守萬姓  
攀轅成淚斑羨君名德足文武擬君真同朱德甫康惠  
恂思兩得之古往今來幾堪數一從旌節下蘆臺竈起  
瘡痍商困回百萬金錢飛輓至課最先占經濟才聖廟  
滄州明詩鈔

九

天子下褒諭諭君早把漢水渡惠竈之政惠桂民便是  
輕車駕熟路君今桂陽去際此清和天桂陽太守當代  
賢行看竹馬迎聯翩聞道先賢有衛許迄今芳躅銘鍾  
簾勸君不必載思南只此便可追伊呂驪曲奏罷報新  
秋懸在雲亭江水頭君去夜來看赤舄雙雙飛入鳳凰  
樓

夏日東園肅客候月得來字

相逢知已笑顏開綠樹叢中泛酒杯一局閑閑稱謝手  
百篇爛爛邁秦才漫從河朔酬賓會猶有平原薦醕來  
莫謂金吾將禁夜冰輪初照小蓬萊



王受所兩孫入設承文宗檄金鼓導之郡庠用彰  
盛美蓋一時新格千載奇遇也志喜一律

報道瀛洲車馬紛滿城金鼓煥人文總看合浦零珠燦  
誰似崑岡兩壁芬詞埒眉山蘇伯仲名同晉代陸機雲  
從來諸少推王氏今已超驤空冀羣

新秋園中白蓮盛開志喜

九嶷仙子下瀟湘捧出瓊瑤別樣粧風送羽衣環珮冷  
露凝霜葉蕊珠光纖纖羅襪春冰薄皎皎鮫綃兔魄香  
應是花神知主意期還太素頌陶唐

江右憲副盧眞常舊滄守父母也以慶賀北上舟  
滄州明詩鈔

泊滄澣時在病不能趨謁撫枕悵然口占

仙舟飛報下雲端自恨無緣趨絳壇強飯祇能需日月  
對人無計整衣冠何繇覓得壺中術幸有流來海上丹  
咫尺天涯勞夢寐蒼蒼肯許後期寬

贈別史文陽判運還溧陽

江南閎閎冠王畿振采蘆臺挹德輝轉運有時看鶴舞  
通商無地不鳶飛計堂寮案星方燦仕路驅馳日正暉  
何事赤松來結伴留侯載得月明歸

贈王梅和母節孝篇

孀閨何凜冽青春到白髮白髮常帶九秋霜丹心獨繫



中天月中天月有時缺苦節耿耿不能滅絲牽愁恨長  
竹染斑痕熱懷有呱呱兒抱之啼紅血殉夫一死事何  
難撫兒哽咽不成說但有髮可截但有目可抉嘗丸茹  
柏寄餘生歷盡萬苦成一節墨帳寒暑燈不輟菽畫朝  
昏灰已竭鵬程萬里運滄溟鳳起九苞耀丹穴獨將一  
疏奏黃扉玉音特詔旌門闈翟幃擁翠翹寶璐佩明玦  
母苦守兒成兒成表母烈光前被恩綸昌後綿瓜瓞一  
門節孝豈尋常千古芳名青史揭

王顯仁

顯仁字克明號乾峰緒從孫萬歷庚辰進士歷

滄州明詩鈔

十一

官山東按察使

州志顯仁都御史紳孫也累官吏部文選司員外條議銓法除授無壅滯遷山東按察使剔奸弊興屯田善政尤著以積俸給諸弟置產又修義宅以棲族人施義塚以惠鄉里仁厚之聲至今未艾

祝王培山夫子八袞壽

滄海虹光貫月華仙翁駐景傲烟霞種來元亮松如蓋  
覓得安期棗似瓜寄興林泉皆闔苑陶情詩酒卽靈砂  
計年正是飛熊日竚看徵書載後車

孫日選

日選字象山萬歷甲午舉人官陝西延安府推



官

按先生賦性骨鯁言行敦厚由孝廉授盧氏令盧氏俗尚刁悍公以德感之皆向化後權延安府祿事干吏議同僚皆惜之欲以理爭公不可遂遁跡林泉吟詠自適不復出

南川樓次韻

一曲清流抱畫廊日當卓午陡生涼遙瞻雲樹心胸濶  
朗誦瓊琚齒頰香塵慮頓隨仙境遠詩情偏向酒杯長  
櫓聲耳畔頻來往幾度憑闌到夕陽

趙光宇

古光宇字無考萬歷丁酉舉人

滄州明詩鈔

三

地非巴郡地樓亦岳陽樓牖廠含雲水檐虛宿斗牛客  
來頻眺望仙許數遨遊願識真人貌尊中道可求

王璋

王璋字無考萬歷庚子舉人官教諭

祝王培山翁壽

梅雪爭春淑氣回畫堂簫鼓壽筵開豸冠瀟灑精神壯  
彩袖娉姿喜慶來對月霞觴仙子捧參天古柏老人栽  
東山肯負蒼生望指日蒲輪起相才宜勉止謝

孫國重

孫國重字景山日選弟萬歷庚子舉人



按先生學優才敏，儻不羣。工書善歌，詞有南川樓八景詩，爲當時傳誦。余曾見孫氏積善堂記，並詩詞共一卷，皆不樂聞。一時諸名士所題，如廬陵曾學士絜及姚榮靖、楊文貞文敬輩，四十餘家墨光燦爛，洵大觀也。最後一幅，卽先生所跋書法，蒼老秀媚，饒有天趣。詩雖不多，傳前輩風流卽此，可想見矣。

登朗吟樓

高樓獨倚曲河邊，登眺眞懷出世心。檻送春帆生細浪，窗含晴旭掃層陰。鼎藏龍虎仙功倍，袖拂雲霞道氣深。幾度醉沽東老酒，乘風欲和朗然吟。

呂詠

詠字延奏，號振廊，別號如如道人。諸生祀鄉賢。

滄州明詩鈔

三

有隨緣居前後集抱元居初集

畿輔通志詠滄州庠生篤於孝行，生養死葬，備盡其道。事孀嫜，撫孤姪，一體無間。躬任捍禦，孤城獨全。抑儒紳，優免之。請賦役，維均。滄人德之。

王熙鄉賢呂詠傳先生束髮時，孝友聞於鄉長。而振藻瀛海，聞譽日起。然先生不屑肩帖括義力，追濂洛關閩之學，漸孔顏樂處，恒浩然也。明之末，士風波靡，聖學漸泯。先生居恒奮然曰：是吾道之憂也。著書十餘萬言，發明道蘊。

人始知斯世尙有聖人之道之當宗也。

王公弼序：縱觀諸什玩味，旨趣春容恬適之機，瀟灑出塵之句，皆不求奇而奇，情自生，趣不督雅而雅，懷自赴。昔人謂柴桑語語皆從肺腑流出，不見斧鑿痕，也得天地自然之眞，非有意創擬可得。彷彿也。吾里有道傳英翁評先生似柴桑，余謂先生絕似康節，無論語錄種種格言直窮理奧，卽先生讀書室後之吟寫，恍然雜中風致。哉！試較靖節染指絃歌，康節則始終縫掖，靖



節後人不好筆墨康節繼體蔚興靖節之跡簡  
康節之操和靖節之志隱康節之道達上下千  
秋其神骨情貌偶與先生酷肖者自可見矣總  
之先生之學之品卽靖節之天趣也可卽康節  
之道旨也可舍二賢莫然  
獨稱抱元先生也亦可

行素最樂處偶題

高卧北窗下逍遙遺世情月移花影活風過水紋平性  
介石爲友機忘鷗共盟漢宮三十六何處不春生

寄懷南曹田徵奇

冀北風高遠寄聲故人千里賦嚶鳴誰知此日相思苦  
卻悔當年作別輕猶憶河干觀象變果聞海上弄潢兵  
君才可慰蒼生望蚤起東山報聖明

滄州明詩鈔

古

郊宴

風送餘香散落花殘紅處處映雲霞仙人掌上朝擎露  
牛斗宮中夜泛槎白眼尙容長笑傲朱顏肯使負年華  
相逢且盡平原興莫把閒情問釣車

飲長春亭

翩翩桃李曉爭妍山水清音自管絃幾曲鶯聲來柳外  
數行帆影過樽前月籠新蕊嬌偏豔雨洗殘妝色更鮮  
把酒須尋花下酌高歌得意且忘年

登河邊樓

凭虛聊縱目此景可留人問柳尋陶徑投竿覓渭濱風



雲思寄跡泉石願爲隣載酒同村叟相看白髮新

秋日有感

露冷風高八月天急砧薄暮聽淒然朱顏已謝憑誰訴  
白髮將生空自憐鵬翼扶搖雲漢近劍光直射斗牛懸  
滄江釣罷歸來晚散步閒吟梁父篇

朱用錦

用錦字念巖崇禎丁丑進士官山東泰安州知

州祀鄉賢

府志用錦初仕泰安蒞政嚴明病請回籍值庚辰歲奇荒錦出貲遠糶賑貧煮粥哺餒掩骼荏苒無警更修築滄城不費官帑不擾民貲未逾四旬工竣遂以勞瘵而殞身歿之日州人罷春

滄州明詩鈔

五

停市感思其德

遊朗吟樓

洞庭已跨南飛鶴滄海何當遇醉仙咫尺邯鄲猶有枕  
蒼茫雲水豈無緣疏疏柳外窺金谷曲曲闌干辨畫船  
每遇烟花宜豁目若臨風雨倍增憐牆邊薤露凝荒塚  
樓角春林叫杜鵑湧翠亭臯波激灑帶霞城郭望纏縣  
瀟湘四絕爭裁賦江海羣英盡入筵好把青蛇多置酒  
吟酣羽客舞蹁躑

劉生向

生向字無考諸生

讌集朗吟樓

東風裊裊酒滿杯  
林香馥馥花正開  
青衫染淚愁生鬢  
忽聽江頭好鳥催  
修楔登樓臨衛圃  
興酣歌罷還弔古  
當年意氣成白髮  
多少衣冠化黃土  
郭家父石氏兒  
逐逐豪華真可嗤  
但得桃源來夢裏  
當杯何惜醉似泥  
樓前侈青紫  
樓後多灰紙  
倚欄西望問長流  
英雄千古皆如此  
詩酒烟霞長不死  
從來只有純陽子  
君不見綠楊紅杏何春無  
誰能留作長春圖  
笑殺長安富與貴  
吾且將來呼酒壚  
仙乎仙乎胡不攜我遊蒼梧

王端履

滄州明詩鈔

六

端履字無考貢生官山西代州州同

羣仙柏枝圖祝王培山夫子壽

四面峯巒擁翠埃  
青霞飛處見蓬萊  
泉聲時和松聲響  
雲氣長兼雨氣來  
林際鶴歸新月上  
巖前鹿醉煖烟開  
先生靜悟長生訣  
坐看清陰護綠苔



